



Комсомолю Вайгяль


Сембе масторонь пролетариятне, пурмода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна.

Адресъ: г. Саранск, Советская ул.,
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть

ПЯШКОТЬКШНЕМС ВЛКСМ-нь ОБКОМЪ VI-це ПЛЕНУМОЦ РЕШЕНИЯЗОН

Июнь 1—2 шистонз пингста работась ВЛКСМ-нь Мордовский обкомъ VI-це пленумоц. Сон эсь решениясонза обяжал комсомольский организациятне примам инь активнай участия съора урядамати анокламати и совь йотафтоманц эса, а тяфта жа примам активнай участия государствати сельхозпродуктань анокламати йотафтомаса, водоемонь тиёмаса, силосонь и веточнай кормань анокламаса. Сатомс стама положения, штоба эрь фуражной тракти анокламс аф 3 тоннада кржа сочнай корма.

Тяда меле йотасть пцтай колма кофт. ВЛКСМ-нь райкомтне и первичнай комсомольский организациятне, обсуждамаком пленумъ решениязон, мобилизовандаз сембе комсомольский массат нят ярде азф государственнай мероприятиятне пашкодема. Ромодановский района съора урядамати йотафтомаса и сельхозпродуктань анокламати эса эрь шиня примоси участия 350 комсомолец и 475 тонафни од ломань. „Красный Путиловец“ колхоза (комсомольский организацият секретарец Фомина ялгась) организованда 2 комсомольско-молодежной звенат, конат работань нормасон пашкоткшнесазь эрь шиня 150 процентс. Ширингушский района Тархан Потмань колхоза комсомолецъ Самошкин ялгати звена съора урядамаса норманц пашкоткшнеше 120 процентс. Нят райоттне эса кемокстафт специальнай комсомольско-молодежной звенат государствати съора усксема. Рузаевский района од комбайнеръ Демин ялгась колма шиста урядасъ 45 гектар съора. ВЛКСМ-нь райкомтне видеса организовафт нят мероприятиятне йотафтомасон коряс временнай комиссият, конат вишкшнесазь колхознай од ломаттне йоткса стахановский движения.

Тяфта жа аф калдяв участия примосихть кой-кона комсомольский организациятне силосования и водоемонь строительствать эсовок. Сембоц республикат эзга пленумъ решениядонза меле тиф одс и петьф 700 сире водоем. Лямбирский района комсомолецнень и аф союзнай од ломаттне вийсон мархта прудяфт 7 од и петьф 5 ташта прутт. Мельцанский района Молотовъ лемса колхоза прудясть кафта прутт и нолдасть эзост карп калхт. Пруттне прудямаса примасъ участия 23 комсомолец и 15 аф союзнай од ломань. Ладский районъ комсомолецне кемоста тюрхить жуватань

поголовьят касфтоманц инкса. „3-й съезд Советов“ колхоза комсомолецне эрь тракти анокласть 3,5 тоннат силос. Куйбышевъ лемса колхоза, коса комсомольский комитетъ эса секретарькс работай Конов ялгась, анокласть 93 тонна силос и 25 тонна веточнай корма.

Однако, эряви азомс, што силосонь анокламати мархта сембе республикат эзга тевсь ащи аф удовлетворительнайста. Тянь колга корхтай ся фактс, што силосованиян планц пашкоткшнень аныцек 23,9 процентс. Башка районга, кода Кадошкинский района силосованиян планц пашкоткшнень аныцек 19,6 процентс, Zubovo-Polyanskiy района—2,25 процентс, Рузаевский—9,3 процентс. Тя лиссь ся, што нят райкомтне кода эряви ашезь азонда комсомолецнень обращениясон и обкомъ пленумоц решениязон пях оцю хозяйственно-политический значенисон, ашезь мобилизованда комсомолецнень сочнай кормань аноклама. Синь тяфта жа ашезь азонда од ломаттне ВКП(б)-нь ЦК-ть и СССР-нь Совнаркомъ животноводствать касфтоманц колга решениясон. Нят райоттне эса йоффикс аф работайхть нят важнейшай мероприятиятне йотафтомасон коряс временнай комиссиятне. Аныцек нят фактне мархта можна азондомс ся позорнай явления, што республикат эзга ранний силосонь анокламати коряс планц сязьф. Лисенди, што СССР-нь СНК-ть и ВКП(б)-нь ЦК-ть „общественнай животноводствать развитияса мероприятиятне колга“ постановленисна нят райоттне эзга пашкоткшнень калдявста.

Пленумъ тяфта жа обязывал комсомольский организациятне решительна цебарьгофтомс од ломаттне йоткса военно-физкультурнай работать. ВЛКСМ-нь райкомтне видеса военно-физкультурнай работать коряс комиссиятне аф кржа тисть ни работада тя областса.

Чамзинский района 500 комсомолец фатяф военной подготовка. Тя работати таргафт запасонь од командирхне.

Но тя нинге аныцек ушеткс. В основном военно-физкультурнай работась комсомолецнень йоткса ладяф аф удовлетворительнайста. Тянь ширес комсомолонь райкомтне эряви шарфтомс башка мяль и шиста-шис пашкоткшнемс ВЛКСМ-нь обкомъ VI-це пленумоц решениязон.

Писателень Союза

Августъ 24-це шистонза Мордовский писателень Союзъ правления ульсь организовафт Мокшенъ талантливый народнай поэти М. И. Безбородовти бюстонъ эскиснень просмотр.

Просмотрса примастъ участия: МАССР-нь ССП-ть правления ответственной секретарец Филипов ялгась, писательхне Ив. Чумаков, Г. Пьязин, Ф. Дурнов, художникне Хрымось, Абрамов,

Фомичев, Снавальников и ламалия ялгат.

Эскиснень тиф глубокой обшуждения. Эскиснень эса няфтьф лама аф сатыкснень сюнеда, конат шорсхть талантливый поэти образонц, простотань характернай чертанзон няфтемасонды, комиссиясь решил тиёмс сяда кели просмотр сентябрь 20-це шистонза, мзярда Фомичев и Абрамов ялгатне тийхть эрявикс исправлени эсь эскисненьды.



СНИМКАСА: Парашютистне.

Фотось Редкинть.

ЛАТВИАНЬ НАРОДНАЙ СЕЙМТЬ ЧРЕЗВЫЧАЙНАЙ СЕССИЯЦ

Августъ 24 шистонза ульсь Латвияй Народнай Сейманц Чрезвычайнай Сессиянц паныжемац.

Паныжемок Сессият, Сеймъ председателец депутатъ Бредис пачфтьс Латвийский Советский Социалистический Республикай Советский Союзъ составс суафтоманц колга. Тянка Сеймъ членонзон требованиясон коряс тертьф Сеймъ Чрезвычайнай Сессияц.

Сеймсь единогласна кемоксни тяфтама шинь повестка:

1. Сеймъ Полномочнай Комиссиянц сообщениа СССР-нь Верховнай Советъ VII-це Сессиянц решениянц колга Латвийский ССР-ть Советский Союзъ составс примаманц колга.

2. Латвийский ССР-ть Конституциянц (основной законон) проектонц колга доклад.

3. Советский Латвияса властенъ государственнай органонь созданиа колга.

Полномочнай Комиссият Москуву сашендоманц и СССР-нь Верховнай Советъ решениянц колга тись сообщения республикань президентъ обязанностензон исполняшай министр-президентс профессорс Кирхенштейнс. Бурнай аплодисментса сязендесъ совь сообщениа Москуву сашендомать колга, радушной приемъ, конатиф делегацияти Москуса, и инь пях Верховнай Советъ заседаниа колга, конань эса ванондовсь Латвийский ССР-ть представительзон заявленисна Советский Союзонь нароттне великай семьязост Латвийский республикат

примаманц колга.

Кирхенштейнс ялгась азондозе, што Латвия тумда инголе делегациясь вятсь мзярдонга аф юкстави беседа Сталин ялгати мархта павазу од эряфть тиёмаса сембе неотложнай кизефкснень колга.

* * *

Августъ 25-це шистонза Латвияй народнай Сеймъ Чрезвычайнай Сессиянц заседаниясонза Латвийский Советский Социалистический Республикай Конституциянц проектонц колга тись доклад конституционной комиссиянъ председателъ депутатъ Спурсь.

Спуре ялгати докладонц коряс ушедсть оживленной преният.

Тяда меле Сессиясь единогласна кемокстазе Латвийский Советский Социалистический Республикай Конституциянц.

Сессиясь провозгласил Народнай Сеймъ Латвийский ССР-нь Временнай Верховнай Советокс.

* * *

Августъ 25-це шистонза ульсь Латвийский ССР-нь Временнай Верховнай Советъ Сессиянц васенце заседаниянц. Временнай Верховнай Советонь председателъкс единогласна кочкаф Бредис. Латвийский ССР-нь Временнай Верховнай Советовъ Президиуму председателъкс кочкаф А. Кирхенштейнс профессорс.

Латвийский ССР-нь Совнаркомонь председателъкс кочкаф депутатъ Б. Лацис. Сай заседания тейнза марьгф максомс предложения од правительствать составонц колга. (ТАСС).

Газетать—массатненди

Глушка велень „Ленинонь киге“ колхозса вов ни пцтай киза работай Климкина Настась съормань канникс. Работанц пингста сонъ лангозонза ашель фкявок жалба.

Колхозникнень сашенды кореспонденцият аккуратнайста и эсь пингова каннемда башка, колхозникнень йоткса вяти вишке массовой работа газетань и журналонь распространядамаса. Сон мекольденъ ковть эзда распро-

страняндась 53 экземпляр газета и журнал.

Штоба нинге сяда вишкштемс тя работать, Климкина ялгати эряви эсь перьфканза пуроптомс общественной распространителень актив, конанц вельде касфтомс подписчиконь лувксть.

М. Синякин.

Кадошкинань район.

Стахановский работаса васьфнесазь МЮД-ть

Сембе республикаты эзга од ломатне деятельна аноклайхть Международной Юношеской 26-це шити. МЮД-сь минь странасонк шарффт родинати од подаркань максомаса традиционной шикс.

Од ломатне нефтема кельгсаз эсь родинасон, а сяс эрь тяфтама праздников шити отечайхть трудонь производительностть нинге сяда вьри касф-томанц мархта.

Од Пшянь велень комсомолецне, обсуждамак эсь собраниясост МЮД-ти анокламати колга кизефксть, сявсть эсь лангосот обязательстват, штоба эрь комсомолец работань эсь участкасонзасатоль и няфтель трудти социалистический отношения образецт. Комсомольский организацияс, проверямок нят обязательстватнен пшкотькшнемасон, отметил, што комсомолецне Потапов С. В., Трякин К. А. эсь обязательствасон пшкотькшнесазь честь мархта. Синь СТЗ-НАТИ тракторса эрь шиня работань нормасон пшкотькшнесазь 150 процентс. Аф калдяв кепотыкст работасост няфнихть комсомолецне Я. П. и А. П. Призыин ялгатне, конат работайхть государствати сьора ускемаса.

Н. САВКИН.

Од Пшянен колхозной комсомольской организациаты секретарец.

Ковылкинский район.

Саттнень юкстазь

Кяшалонь „Од веле“ колхозть улихть вете садонза. Саттнень эса разнай сортонь марлюнат, грушакст, вишнат и касыхть лама кстыда.

Но колхозонь правлениясь ня саттнень колга йофси аф заботендай. Синь катфт судьбань производ, мельгаст аш кодамовок уход, апак перякт; жувататне и шабатне синнезь шуфто нятнень тарадсон, лама шуфтона коськсь.

Колхозной правленияги кунаракиге эряволь шарьхкодемс, што саттне колхозти максыхть оцю доход.

А.

Атюрьевский р-н.

КОЛХОЗНОЙ САДОВОД

— А тани, вов варжакстат, — кенярдезь пшкядсь „Якстере сокица“ колхозонь садоводсь Тараскин атысь, — седиезтка лад. Оцязоронь самодержавиять пингста, мзярда ты садсь ульсь помещикть, а вона ся, кить тона бокстось, — няфть сурсонза, — ульсь монастырьт. Тейнек синь вакскаст йотамска ашель кода. Аньцек Куриловскийне сашендсть сьоксенда марлю периф-нен шувондома.

Мзярда варжакстат садть лангс, сельминголет келеми аф азомшка живописнай картина. Марлюфне сяшкава марюфт, што синь тарадсна нежетькшнефт.

Садть кучкаса колхозной нешкне, конатне разнообразнай краскаса архтфсон мархта сядонга весялгофнесазь садть, и мешень зойфсь, шоворемок кожфкять эзда садть уфозонза, маряви цебярь гайфокс.

— Мзяра думондат, Иван Андреевич, максы тядде ты садсь марьда? — кизефтезе мархтонза колякондакшнись.

ВЛКСМ-нь ЦК-ть XI-це пленумо осудил, кода аф ярашты практикань, мзярда комсомольский руководительне аф доверия мархта ваныхть рядовой комсомолецнеди, аф максихть тейст кодамовок порученият. Пленумсь тяфта жа осудил сянь, што кой-кона комсомолецне аф пшкотькшнесазь тейст максф поручениятнень. Сембе нят положениятнень лац содасыне общепитонь первичнай комсомольской организациаты секретарец Цыганов ялгась, но мес-бди тичемс синь прокс эряфс аф йотафневихть. Нинге аф сембе комсомолецне кандыхть комсомольский порученият, да и конат кандыхть, синь пшкотькшнесазь пшк калдявста.

Пленумсь стане жа осудил, мзярда первичнай организациаты секретарьне комсомольский членский вносонь кочксемать поручают второстепеннай ломаненди. Но аф ваномок тянь лангс, Цыганов ялгась тичемс практикует ты аф

ярашты практиковать. Членский вносонь кочкесыне аф сонць, а специальной сборщицась Калашникова ялгась. Но нинге тядонга калдяв ся, мзярда нят кочкаф вносне козонга аф максевихть, сят вносне, конат кочкаф 36 комсомолецне кядьста 1940 кизоня, сберкасса апак макст. Косот нят вносне? Кие максесь прават Цыгановти карьхямс союзнай вносонь? Вов нят кизефкснен каршес Цыгановсь должен отвечать комсомольский массат инголе.

Аф лама шиди меле ушедыхть руководящай комсомольской организациаты кочкаматне. Общепитонь комсомольский комитетти эряви использовать хоть илядыкс пингс, штоба перестроить эсь работанц ВЛКСМ-нь ЦК-ть XI-це пленумонц решениязон коряс.

М. Павкин.

Саранск ош.

Ялгань лезкс илядыхненди

„Од Шямонь“ колхозсь кунара ни аделазень урядамда эсь сьоронзон. Колхозникне тянь мархта обеспечили эстист питни трудши. Ты колхозса ударнай работать колга „Комсомолонь вайгяль“ газетась аф весть пачфнесь ни куля. Тани тяфтак жа ты колхозонь колхозникне ударнайста работайхть „Победа“ колхозть паксянзон лангса, конанц сявось синь буксирс. „Од Шямонь“ колхозникнен ялгань лезксон вельде, „Победа“ колхозсь лихтьф ни ся оцю прорывть эзда, конанц эса сон ульсь инголи.

Н. Иванов.

Ковылкинский район.

Од труженик

Тараскин Колясь, „Якстере сокица“ колхозса лувондови фкия инь авторитетнай од цьоракс. Сон Куриловань средний школань ученик-отличник. 8-це классть аделамдонза меле йотась вейхсоцети. А кизонь каникулхнен пингста, кода колхозной од труженик, пшк активнайста ушедсь работама колхозса. Ашель фкявок стама ши, штоба сон афоль уль паксяса. Сон сембе ня хозяйственной пшк важнай работатнень эса примосесь сембода активнай участия. Работась паринань сокама и инзама тевса, тишень и сьоронь урядамаса, озимонь видеамаса и ст. тов. Пшкотькшнемок вельф эрь шинь выработкань норманц, тонафнемда меле ня 2 пшя мархта кофнен пингста тись 250 трудши.

Тани Тараскин ялгась кемоста работай Ленинско-Сталинский комсомолть уставонц и программанц тонафнемаса, аноклай сувамс комсомолонь членкс.

Г. Горный.

Ромодановань район.

сатни оцю урожай. Сон эрь кизоня максы лама тоннат чистосортнай марьхть, вишнат и сливат Саранскийн консервоннай комбинатти консерванди.

— Коста, аля, сядынгольден пингть ульсь тейне ваймс Москусь, мази Кремлясь? — корхтай Тараскин аты. — А тани вов монь кемоктамазь Всесоюзной сельскохозяйственной выставкав участникомс, — аделазе корхтаманц и озась марлють алу мокорть лангс. Таргазе зепстонза эсь тиф трубканц и пшккодезе тяддень свежай табакса. Трубканц крвастемда меле танга корхтазевсь.

— Сембе одкс пингозе сире пингонь эряфса коськсь, и ризфта башка мезевок аф ляди мялезонга. Кда ульсь сире пингонь эряфсь, юмалень-аралень прокс тияра шабать мархта. А тани синь сембе тонафнихть и аш кодамовок пшкфксна. Тейст великай Сталинць макссь павазу детства. И эрямок тяфтама радостнай эряфса монцьке, — азозень мельден валонзон, — нинге маряса прызень одкс.

Г. Пьявзин.

МЕЖДУНАРОДНОЙ ОБЗОР

Мекольдень кафта неделатнень пингста Англиянь южной райотнень вельксса ульсь воздушнай вишке сраженият.

Германский самолеттне бомбардировандайхть английский морской порттнень, промышленнай центратнень, аэродропнень и машинакинь станциятнень. Бомбатне тяфта жа ульсь йордафт английский столицать — Лондонть окраиназонды. Английский истребительнай авиациясь неприятельский самолеттнень каршес кярмодсь бойс. Кафцьке ширетне имафтсть лама самолет и летчик.

Германиясь стреминдай обеспечиндамс эсь мельганза господства воздуха Ла-Манша проливть вельксса, кона ащи Англиять южной побережьясонза. Кда Германияти ты удалал тиес, сон тьождылгофтолезе ба Ла-Маншаты туркс войскань йотафтомань возможность.

Светть омбоце пшкссонза, Африкаса, итальянский войскактнени удалась фатямс Британский Сомали. Британский ты колониясь аф лувондови оцю ценностекс. Но сон ащи рядок воднай оцю кинь ваксса, кона содондсыне Ближний Востокса Англиять владениязон дальневосточнай владениязон мархта и сяс кирди военной оцю значения.

* * *

Американь соединеннай штаттне вишкпнесазь Англияти эсь лезксон.

Нят шитнень пингста ульсь соединеннай штатонь президент Рузвельтть васедемац Канадань министрн советть председателенц — Макендзи Кингть мархта. Синь тисть соглашения соединеннай штаттнень и Канадаты араламаса марстонь управления тиемать колга.

Канадасы сувси Британский империять составс и вяти тани война Германиять каршес. Американь соединеннай штаттне, шовордамок эсь оборонасон Канадаты оборонанц мархта, нинге сяда пшк малаткшнихть Европаса войнати сувамаса.

Германиясь азсь Англияти полной блокада. Германский властне пачфть куля, што тячиень шиста сявомок синь кармайхть тюрема аф аньцек английский караблятнень каршес, но и сембе суднатнень каршес, конат уендихть английский побережьять малава, сяка лувксса и нейтральной странань суднатнень каршеска. Англиясь эсь ширленза мольфни блокада аф аньцек Германиять и Италиять каршес, но и сембе сят странатнень каршес, конат заняфт германский войскактнень мархта: Франциять, Норвегиять, Голландиять, Бельгиять и Даниять каршес. Мекольдень пингть французский правительствась тьяфнесь тиес океанть тонабокс продовольствиянь закупкат, но Англиясь решительна препятствовандай французский порттнени рамаф продовольствиятнень пачфтемасонды.

Тянь сюнеда нинге сяда пшк растроиндакшневихть Европаты хозяйственной сотксонза светть лия пшкссонзон мархта. Американский ученайхнен подсчетсон коряс, тяддень талоня Западной Европаса аф андови эсь прятна кемотть миллион ломаненди. Импералистический войнаты вишкмомац вяти эсь мельганза од бедствият и страданият народнай массатнени.

Н. Федоров.

Ответ. редакторть иниса М. САЙГИН.